

Broj: 06-20/22- 1025 /23
Sarajevo, 19.05.2023. godine

Na osnovu člana 12. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), člana 3.stav 3. Zakona o veterinarstvu ("Službene novine Federacije BiH", broj 46/00), člana 70. stav 2. Zakona o veterinarstvu u BiH ("Službeni glasnik BiH", broj 34/02), čl. 6. i 7. Program obuke službenih veterinara u Federaciji Bosne i Hercegovine za period 2021-2025. godina ("Službene novine Federacije BiH", broj 44/21) i Programa utroška sredstava sa kriterijima raspodjele sredstava "Subvencije privatnim preduzećima i preduzetnicima - Poticaj za veterinarstvo" utvrđenog Budžetom Federacije Bosne i Hercegovine za 2023. godinu Federalnom ministarstvu poljoprivrede, vodoprivrede i šumarstva (Službene novine Federacije BiH broj 30/23) Federalno ministarstvo poljoprivrede, vodoprivrede i šumarstva d o n o s i

PLAN OBUKE SLUŽBENIH VETERINARA U FEDERACIJI BOSNE I HERCEGOVINE ZA 2023. GODINU

I

Cilj Plana obuke službenih veterinara u Federaciji Bosne i Hercegovine za 2023.godinu (u daljem tekstu: Plan) je da se kontinuiranom edukacijom obezbjedi nepristrasno i kvalitetno provođenje i dosljednost službenih kontrola na svim nivoima kao i unaprijeđenje rada službenih veterinara i veterinara koji provode mjere zdravstvene zaštite životinja u Federaciji Bosne i Hercegovine iz područja:

- a) propisa o hrani i hrani za životinje, lijekovima za upotrebu u veterinarstvu, zdravlju i dobrobiti životinja, rukovanju nusproizvodima životinjskog porijekla;
- b) primjene metoda i tehnika koje se primjenjuju za vrijeme službene kontrole,
- c) odobravanja i registracije objekata u nadležnosti veterinarstva.

II

Obuke će se održati kao jedan seminar (stručna predavanja) za sve službene i ovlaštene veterinare i kao jednodnevne obuke za ciljane grupe službenih i/ili ovlaštenih veterinara.

III

Za obuke iz tačke II ovog Plana obuke Federalno ministarstvo poljoprivrede, vodoprivrede i šumarstva će odabratи mjesta i termine, te predavače i teme iz slijedećih oblasti:

- primjene propisa o zdravstvenu zaštiti i dobrobiti životinja te nadzoru nad upotrebom lijekova koji se upotrebljavaju u veterinarstvu;
- primjene propisa koji regulišu sigurnost hrane životinjskog porijekla i hrane za životinje;
- zbrinjavanja i rukovanja nusproizvodima životinjskog porijekla;
- izdavanja dokumenata koji imaju značaj javne isprave, vođenja evidencija, dostavljanja izvještaja i drugih dokumenata;
- službenih kontrola na farmama, kod subjekata u poslovanju sa hranom, hranom za životinje i nusproizvodima životinjskog porijekla;
- upoznavanja sa novim propisima i drugih vezanih za provođenje mjera veterinarskog javnog zdravstva.

IV

Nakon održanih obuka učesnici popunjavaju evaluacijski upitnik na osnovu kojeg Federalno ministarstvo poljoprivrede, vodoprivrede i šumarstva izdaje certifikat o prisustvu na obuci i procjenjuje potrebe za organizaciju obuke službenih veterinara u narednom periodu.

V

Realizacija ovog Plana obuke finansirati će se sredstvima predviđenim Programa utroška sredstava sa kriterijima raspodjele sredstava "Subvencije privatnim preduzećima i preduzetnicima - Poticaj za veterinarstvo" utvrđenog Budžetom Federacije Bosne i Hercegovine za 2023. godinu Federalnom ministarstvu poljoprivrede, vodoprivrede i šumarstva (Službene novine Federacije BiH broj 30/23).

VI

Radi informisanja službenih veterinara ovaj Plan obuke će se objaviti na službenoj web stranici Federalnog ministarstva poljoprivrede, vodoprivrede i šumarstva.

Dostaviti:

- ① Sektor za veterinarstvo
2. Sektor za financije i računovodstvo
3. a/a

